



Inatsisartunut ilaasortaq Saxdorph Didriksen
Inatsisartut
/MAANI

INDGÅET

19 MAJ 2014

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

Raajarniarnermi akuersissutit aamma immikkut akuersissutit atsiorneqareersut pillugit § 37 nr 2014-100-mut akissut

15-05-2014
Suliap nr. 2014-099295
Upp. normua 1568128

Inatsisartut Suleriaasissaanni § 37, imm. 1 naapertorlugu 2014-imi raajarniarnermut - sinerissap qanittuani avataanilu - akuersissutit tunniunneqartut pillugit Naalakkersuisu- nut apeqquaqarputit. Angallatinut avataasiortunut sinerissap qanittuani aalisarnissa- mut immikkut akuersissutinik tunniussisoqarsimanersoq, aammattaaq apeqquqatigaat. Ukiut qulit matuma siorna raajarniarnermi akuersissutit tunniunneqartut qassiunersut kingullertut apeqquqatigaat. Apeqquq uannut akisassanngorlugu innersuussutigineqarpoq.

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

Apeqquq:

1. 2014-mi raajanut licensit avataani pisassanut qassit tunniunneqarpat?
2. 2014-mi sinerissap qanittuani raajanut licensit qassit tunniunneqarpat?
3. 2014-mi avataasiortunut sinerissap qanittuani raajarniarnissamut licensinik immikkut akuerisaalluni piginnittut qassiuppat?
4. Ukiut qulit matuma siornatigut raajanut licens-iutillit qassiuppat?

Akissut:

1)-imut

Raajarniarnermi ukiumoortunik akuersissuteqartoqarneq ajorpoq, raajarniarnermi akuer- sissutit ullumikkut atorineqartut piffissamik killiligaanngimmata, TAC-imut ukiumut aala- jangerneqartartumut procentinik aalajangersimasunik attuumatinneqarlutik. Tassunga atatillugu ilisimatitsissutigineqarsinnaavoq, Kitaanut TAC aamma Tunumut TAC aalaja- ngerneqartarmata. Ukioq manna Kitaanut 85.000 tonsiupput Tunumullu 8.300 tonsiullutik. TAC ukiumoortunik aalajangerneqartartoq isumaqarpoq, pisassatut akuersissutinut im-mikkut ataasiakkaanut agguanneqartartut TAC-imut ukiut tamaasa ukiakkut aalaja-ngerneqartartut naapertorlugit nikerartartut. Taamaattumik ukiumut pisassat ukiup nikin-nera sioqqutilaarlugu akuersissutinik piginnittunut tamanut immikkut nalunaarutigineqar-tarput, tassani akuersissummi ukiumi pisassat annertussusii sukumiisumik allassimasar-lutik. Ukiumut pisassanik nalunaarummi tassani akuersissutip tamatumuuna uppenar-sarnera piviusumillu nutarternera aamma tassanereertarpoq. 2014-imut ukiumut pias-sanik nalunaarutit avataani raajarniartunut 11-nut ukiup nikinnera sioqqullugu nalunaa-rutigineqarput. Tassunga atatillugu ilanngunneqarsinnaavoq, avataani raajarniarnermi ingerlatseqatigiffiit arfiniliummata, taakkunanga tallimat Kitaanut akuersissuteqarlutik ataatsimik aamma Tunumut akuerissuteqarlutik ataatsimik ingerlatseqatseqatigiiffillu ataaseq kisiartaalluni taamaallaat Tunup avataani aalisarnissamut akuersissuteqarluni. Avataani raajarniarnissamut akuersissuteqartut tassaalerput arfinillit (6).

2)-mut

2014-imut sinerissap qanittuani raajarniarnissamut akuersissutinik 19-inik peaqartoqarpoq. Taamaattoq akuersissummik pigisaqartoq ataasituaq maannakkut

angal-latitaqanngilaq. 2014-imut akuersissutit aallaqqaamut 20-t tunniunneqaralarput, kisian-ni ukioq suli nikingitsoq akuersissut ataaseq matuneqarpoq, pisassartai akuersissum-mut allamut nuunneqarmata.

3)-mut.

Angallatinut avataasiortunut sinerissap qanittuani raajarniarnissamut immikkut akuersissummik tunniussisoqanngilaq. Taamaattoq Imartani Kalaallit Nunaata aalisarnikkut oqartussaaffigisaani raajarniarneq pillugu Namminersorerullutik Oqartussat nalunaarutaat nr. 23, 29. august 2002-imeersoq naapertorlugu periarfissaqarpoq, angallatit tunisassiornissamut akuersissuteqartut sinerissap qanittuani raajarniarnissamut akuersissummik atuinissaminnut, akuersissut taanna tunisassiornissamut akuersissutitaqarpat.

4)-mut

Ukiut 10 matuma siorna sinerissap qanittuani raajarniarnissamut akuersissutit 38-upput.

Inussiarnersumik Ilassinnillunga

Finn Karlsen